



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tribunal Poenitentiæ Sev Libri Dvo Prior De Poenitente Ut
Reo Posterior De Confessario Ut Judice**

Stoz, Matthäus

Anno M.DC.LXXXIX.

§. 8. De negante peccatum commissum.

urn:nbn:de:hbz:466:1-37144

§. VIII.

De negante peccatum commissum.

104. Posterior quæstio circa integratatem confessionis est : *An debeat, vel possit absolviri, qui negat se commissse peccatum aliquod mortale, quod Confessarius novit eum commissse?* Ratio dubitandi est, quia in foro conscientiæ credendum quidem est pœnitenti tam pro se, quam contra se, ut habet tritum axioma. Sed Bonac. de pœnit. Disp. 5. q. 5. sect. 2. p. 2. §. 1. in fine recte ait, id intelligentum esse tantum cum hac exceptione : *nisi ad denuo constet, oppositum, nonque sit pœnitentis indispositio.*

Sic ergo respondeatur. Si Confessarius novit illud peccatum ex sola confessione complicis, tunc de eo ne quidem interrogare potest pœnitentem, nisi beneficium tantum (v. g. an nihil aliud habeat, quod confiteatur) vel nisi peccatum illud sit, de quo alii ejusdem conditionis pœnitentes interrogari solent; vel denique nisi à pœnitente acceperit licentiam, de illo peccato speciatim loquendi cum complice, neque scandalum obster. Laym. l. 5. tr. 6. cap. 14. n. 24. Ratio, quia alioqui strangeret Sigillum. Tan. tom. 4. Disp. 9. 7. n. 99. qui tamen q. 9. n. 146. & seq. cum aliis contra alios docet, Licentiam solius pœnitentis non sufficere. de quo infra n. 230.

Quodsi Confessarius peccatum illud ab aliis fide dignis extra confessionem cognovit, vel ipse suis oculis vidit, v. g. furantem, obscurana agentem, audivit blasphemantem &c. vel juxta Laym. & alios contra Tan. & alios, prædicta & accepta à pœnitente licentia valeat : tunc omni-

R. P. Stoz. Trib. Pœnit. Lib. II.

no potest, & deber de ejusmodi peccatis in specie interrogare complicem, si in confessione ipse se non accuset, ut dictum supra n. 101. cum seqq. Sed si iste constanter neget, debet eum plerumque absolvere. Laym. l. c. n. 25. quia Confessarius debet pœnitenti hinc magis credere quam complici, vel aliis, vel etiam sibi ipsi, & propriis suis oculis; atque auribus. Cum enim tam multæ causæ sint, ob quas legitimè potest aliquod peccatum mortale in confessione reticeri, adeoque negati; cumque præterea nullus actus externus sit formaliter peccatum mortale, nisi fiat cum plena deliberatione & advertentia ad malitiam moralem ejusque gravitatem; atque adeò peccatum ex genere suo mortale sapissimè per accidens fiat veniale; hæc autem, & similia communiter aliis non possint esse certò perspecta, neque sub sensu cadant; certum etiam aliis esse non potest, pœnitentem in hoc vel illo actu externo peccasse mortaliter; vel teneri, si mortaliter peccavit, hinc & nunc confiteri.

Quodsi tamen, quandoque consideratis omnibus circumstantiis certò constaret, peccatum mortale esse à pœnitente commissum; idque ab eo malitiosè, ac mendaciter negari, tunc etiam certum est, non posse absolviri. Dicast. de pœnit. Disp. II. à n. 331. quia, cum posset, & debebet, non integrè confitetur; eumque absolvens peccaret graviter, & contra suum Judicis officium, & contra reverentiam Sacramenti, invalidè & sacrilegè administrando illud indispositio. Tamb. de Confess. lib. 3. cap. 9. n. 5. & seqq. Lug. de pœnit. Disp. 22. n. 21. Vide Fagund. Praecepto 2. lib. 6. cap. 5. n. 37. & 38.